

## آبونه سرائطی

ممالك عثمانیه ده سنه لکی (۶۵) آلتی  
آیلغی (۳۵) غروشد  
ممالك اجنبیه ده سنه لکی (۱۷)، آلتی  
آیلغی (۹) فرانقدر .

## اداره خانه

باب عالی جاده سنده دائره مخصوصه

## اخطارات

آبونه بدلی پشیندر .

§

مسلكه موافق آثار مع الممنونیه قبول  
اولنور . درج ابدله یں یازیلر اعاده  
اولونماز .

# المجله

۱۶ ۱۵ ۱۴ ۱۳ ۱۲ ۱۱ ۱۰ ۹ ۸ ۷ ۶ ۵ ۴ ۳ ۲ ۱

دینی ، فلسفی ، علمی ، ادبی هفته لاق مجموعه اسلامیه در .

صاحب و مدیر مسئول

اشرف ادیب

باش محرر

محمد عاكف

والله يهدي من يشاء الى صراط مستقيم

اتبعون اهدكم سبيل الرشاد

عدد ۳۴۲

۱۱ شعبان ۱۳۳۳

پنجشنبه

۱۱ حزيران ۱۳۳۱

جلد ۱۴

## اخطارات

سوله مزدن آلتدیغی کومستراك شرمایله  
بتون یازیلر هرهانکی برغزته طرفندن  
اقتباس اولونه ییلیر .

§

مکتوبلرک، امضالری واضح و اوقوناقلی  
اولسی و آبونه سره نومروسنی محتوی  
بولونمسی لازمدیر .

§

ممالك اجنبیه ایچون آبونه اولانلرک  
آدرس لرینک فرالسزجه ده یازلسی رجا  
اولنور .

§

یاده کوندردلدیکی زمان نه یه دائر اولدیغینک  
واضحاً ییلدی رلسی رجا اولنور .

و بناءً عليه بوكونكي قرائتلىر محدث شيلر اولمىوب موضوع بحث اولان  
هرايكي طبقه رجالنه منتهى اسانيد صحبجه ايله جناب پيغمبردن تلقى  
و روايت ايدلمش اولدينى تيين ايدر . بوبابده « قرآنك يدي حرف  
اوزره زولى » بچشد دها زياده تفصيلات و بريله جكمندن قرآنك  
كتابه جمعه نقل كلام ايدىوروز .

### عبدالعزيز چاويش

فاضل محترم عبدالعزيز چاويش افندي حضرتلى طرفندن تأليف و جزء  
اولى بو دفعه موقع استفاده به وضع ايدلمش اولان « اسرار القرآن »  
عنوانلى تفسيرك ايكي اوچ هفته دنبري پيديرى ترجمه سنده باشلادق .  
تفسيرك ديباجه سنده مؤلف محترمك كنديسىنى بو امر خطيره سوق  
ايدن اسباب و عواملى سرد و ايضاح بولندهكى بيانات مهمه سى ، اترك ،  
ملت اسلاميه نك دينى ، اخلاقى ، اجتماعى احتياجائى نقطه نظرندن  
نه قدر مهم و علوى بر فكر و اجتهاد محصولى اولدينى پك كوزل  
اثبات ايدىيور . اسلاف محققين تفسير قرآنه عائد يازدقلى اثرلرند  
آرى آرى برر مسلك و غايه تعقيب ايتدكارى كى فاضل مشاراليه  
اثر قيمتدارنده شمدي به قدر بو وادیده تعقيب ايديلن نقاط نظرندن  
پك فرقلى ، احتياجات حال و زمانه جذاً موافق بر غايه يي نصب نظر  
اتخاذ ايتمىدر . اسرار قرآنده تفسير ايدلمك ايتيئلان بر آيتك تحليل  
و ربطلى ، كلامك معانى و احوال اشتقاقه سى ، وجوه قرائت و اسباب  
زولى و سائر كى شيلرله اشتغال ايدلمه مكدهدر . هب بومباحث امهات  
تفسيره مودوع بيانات سميجانه به ترك و تفويض ايدلمكدهدر .

مؤلف ، اسرار قرآنده آيات قرآنیه نك روحنه نفوذ ايدمهرك كلام  
ازليده مكنوز اولان بي نياه حكم و حقايقندن ، سرائر و احكامندن  
قربحه جيد نك مساعدسى نسبتنده استفاضه به چالشمش ، دهاى  
فكرى و افتدار علميسندن ملهم اولهرق ميدانه چيقاردى حقايق  
عالیه دينيه ، اسلامى جذاً خشنود ايدمهرك برقيمت و ماهيته بولمىدر .  
مؤلفك التزام ايتديكى مسلك نويئت محاسن غير محدوده سى  
مياننده اك زياده شاياي تجيل جهت . بيانات واقعه سندنده  
ا كلاشيله جنى وجهله ، افكار و مطالعات ذاتيه نك محصولى اولميرق  
طوغريدن طوغرى به نصوص قرآنیه دن تلقى و استنباط ايتديكى حقايق  
دينيه ، سرائر لدينه نك عالم اسلامك مادی و معنوى بوكونكى احتياجاتنه  
صورت تطبيقي حقنده كوستردىكي فوق العاده موفقيتدر . آتيا كوريله چكى  
وجهله ، مؤلف اثنای تفسيرده آيات قرآنیه نك كنچينه اسرارندن  
استخراج ايتديكى حقايق با كره يي تشریح و تشهير ايتدكدن مسكره  
خصماي دين طرفندن معالى اسلامه قارشى فن و فلسفه و نظريات  
اجتماعيه نامنه اجرا ايديلن هجوم و صولتلك دفعي خصوص سنده آيات  
مفسره نك فيض الهام و ارشادنندن بحق استفاده جهتنى قطعياً اهام  
ايتيور . وینه تكرار ايدمهرك هب بومبارزه و مناقشه لده نصوص  
قرآنیه دن بشقه كندوسنه بر استنادكا . آراميور . ايشته اسرار قرآن ، سرد

ايتديكمز خواص ممزه سيله مجرد قرآن حكيمى تفسير نقطه نظرندن تفاسير  
موجوده مياننده جذاً عالى و ممتاز بر موقع اشغال ايتمش اولدينى كى مدنيتك ،  
اجتماعياتك ، فك ترقيات متواليه سى نه درجه لره واريرسه وارسين  
و بوترقيات مادی ، معنوى نه كى انقلابات حصوله كتيررسه كتيرسين  
ديانت اسلاميه اتباع ، و منسوبينك حصول سعادت و سلامتنى كافل اولمق  
خصيصه ازليهن سندن ذره غائب ايتمه چكى غایت واضح دلائل و راهين ايله  
انظار امعان اهل ايمانده تجلى ايتديرهرك بروثيقه دينيه ماهيته حائز  
بولمقد در .

ذاتاً اترك مشار اليه كى ديباجه سرنوشت حياتى دين و ملت  
اوغورندكى مجاهدات خدا پسندان سنده عائد اولان مناقب فاخره ايله  
مطرز و مزين اولان و بتون مساعى حياتى ، سرمايه دها و عرفائى  
جسم اسلامى كوندن كونه زبون استيلاسى ايدن امراض فكريه  
و اجتماعيه نك تشخيص و تدوايسنه وقف ايدن برذاته عائد اولمى قارئين  
كرايه آنك قيمت و ماهيته حقند مؤثر دن اثره استقال صورتيله ، بر فكر  
ويره بيلير ظن ايدمهرك .

محمد شوكت

## مَدَائِلُ

### زكاتكزى عسکر عائله لرینه ويريكز !

— اغنيای مسلمينه —

جناب حق مسلمانلر اوزرینه نمازى فرض قيلدينى كى زكاتى ده  
فرض قيلمش در : جمعيت بشريه ايجده فقرا و محتاجينك تهون  
احتياجى ايجون اغنيای مسلمينك بر قسم مالارنى اتفاق ايتلرى كنديلرينه  
فرض در . دين اسلام بوكا او قدر اهتمام ايتمش دركه قرآنك هرزه سنده  
« نماز قيليكز . . . امرى وار ايسه عقينده » زكات ويريكز »  
امرى ده واردر .

شبه يوقدركه دين فطرى اولان دين اسلامك زتكينلر اوزرینه  
زكاتى فرض قيلمه سنده پك بيوك بر حكمة واردر . بوكون دنيا ده  
ارتكاب ايديلن جرائم و سرقتك اسلى تدقيق و تحرى ايدمهرك  
اولور سهق قسم كليسنك احتياجات و ضرورتدن ايلرى كلديكفى كوروروز .  
ا كردين اسلامك اساس قويمى تماميله دستور حركت اتخاذا ايديله چك اولسه  
هم فقرا و محتاجينك احتياجى تهوين ايدلمش اولور ؛ همد ، اونلرك حالى  
اصلاح ، نفسلرى تهذيب ، اولادلى تربيه ايله جمعيت بشريه يي  
آنلرك شرنندن تخليص ايدلمش اولور . عيى زمانده برچوق سارى  
خسته لقلركده اوكى آلمش اولور .

شبه يوقكه محب مال اولانلردن بمضارى طرفندن : « بو حال ،  
فقراي عطالته سوق ايتك ؛ اونلرى خدمتدن منع ، مملكتى  
اونلر ايله انتفاعدن محروم ايتكدر . » طرزنده ايلرى به سورييلن نظريه

ہوئے رمضان شریفہ کرکٹ شرمہ کیدہ جک ، کرک استانبولہ  
وعظ ونصیحت ایدہ جک اولان واعظان اہالی اسلامیہ بوحقیقی  
آکلائی ؛ زکاتک فریشتہ کی حکمت بالغہ صمدانیہ ، سوکرہ محل  
صرفک اک خیرلیسی بو اولدینی ایضاح اولونالی ؛ بونک ایچون  
اشویقات وترغیباتده بولونلی درلر . بورادہ طوبلانان پارہ وسائرہ ایسہ  
مدافعہ ملیہ ایتام وارامل ایچون تشکل ایدن شیبہ مخصوصہ  
واسطہ سبلہ مہم مملکتده کی عسکر عائلہ لرینہ توزیع اولونملیدر .  
بوصورتہ ہر غنی ہم دینی بر بورجی ادا ایتمش اولور ، ہمدہ دین  
قارداش لرینہ آیروچہ بر خدمتہ بولونمش اولور . کہ بوسبیلہ کرک  
انسانلر یانندہ ، کرک عندالہیدہ قدری یوکسہ لیر .

« وایموا الصلاة واتوا الزکاة ومانقدموا لانفسکم من خیرنجودہ  
عنداللہ ہو خیرا واعظم اجرا »

آقہ کبیل

احمد حمدی

## اتحاد و اتفاق اسلامی یوکسلدی ،

### نفاق و شقاق پریشان ایتدی .

— کچن نسخہ دن مابعد —

اندانصرہ موسی عسکری بالاستحصال طنجہ بہ کلدی . سفینہ لر  
ندارک ایدہ رک طارق بن زیاد نام قهرمانی اون ایکی بیک کشی ایلہ اندلس  
فتحہ کوندردی . بوطارق حقیقہ موسی بن نصیر کی بر قوماندانک  
معیتہ بولنغہ لایق بر قهرمان ایدی . طارق اسپانیا طوبراغنه ایاق  
باصار باصماز ایلاک ایشی اردونک کلدیکی نقلیہ سفائنی یافق اولدی .  
اوتاریخہ اسپانیا طوبراغنه حکمران اولان ( غوط ) حکومتی ایسہ  
جسم و قوتلی دولتلردن معدود ایدی . طارقک معیتہ بولنان اون ایکی  
بیک کیشی بہ قارشی آلات واسلحہ سی مکمل یوزبیک کیشی جیقاردی کہ  
بوجسم اردونک باشندہ حکمدارلری ( رودریقی ) بالذات کندیس  
حاضر بولنیور ، عسکرہ قوماندان ایدیوردی . عسا کر اسلام مرنہ قدر  
خونریزانہ محاربہ لر ایدیورلر ، دشمن صفرینہ غضنفرانہ هجوملر  
کوستریورلر ایدیسہ نہ چارہ کہ عددجہ بک آزلق ایدیلر . بناء علیہ  
بونلردہ علامتہ الزام کورلمکہ باشلادی . طارق بوحالی کورنچہ عسکری  
باشنہ طوبلادی . بونلرہ قیصہ رنطق ایراد ایتدی . سوبلدیکی سوزلر  
شو ایدی : « ای مجاہدین ! اوکزدہ دشمن ، آرقہ مزیدہ دکزدر .  
کیلری یاقدم ، کوزلریکزلہ کوردیکز . شو حالہ زہ بہ قاجیورسکز ؟  
دشمنہ آرقہ جویروبدہ فرار ایدہ رک دکزدرہ ناموس سزجہ بوغولمقدنسہ  
دشمن قارشوسندہ کواکسندن مزراقلہ اورولہرق شرف وناموسلہ  
اولمک دہا خبرلی دکلیدر ؟ بکا باقیکز وبی تقاید ایدیکز . ایشہ  
طارق بوسوزی سوبلدکد نصرکہ آسک اوزرنندہ اوزنکیلر اوزرینہ  
آباغہ قالدی . بتون غازیلردہ کندیسنی تقلید ایتدیلر . طارق اللہ  
قیلنج اولدینی حالہ دشمن اردونک اوزرینہ آتی سوردی .

ہیچدہ موافق حقیقت دکلدر . اکر بونلرک دیدکری طوغری اولمش  
اولایدی نہ جناب فاطر حکیم زہرہ بونی فرض قیلار ، نہ جناب پیغمبر  
طرفدن بویلہ برامر واقع اولور . نہ کتب سماویہ فقرایہ معاونتہ  
تشویق ایدر ، نہدہ بوکون نوع انسانیتک حالی اصلاح ایچون اوزوبادہ  
جمعیات خیریلر تشکل وفقرایچون ملجألر بولنوردی .

ایشہ فقرا ومحتاجینہ معاونت ایتک برامر ضروری اولدینی جہتلہ  
جناب حق بونی ارکان اسلامیدن بررکن مہم اولہرق مسلمانلرہ بیلدیر .  
مشدر . قرآنک بر جوق یرلندہ : « اقیموالصلاة واتوا الزکاة » امر  
الہیسی وارد اولدینی کی جناب پیغمبر صلی اللہ علیہ وسلم افندیمزدہ :  
« بنی الاسلام علی خمس شهادة ان لا اله الا الله وان محمداً رسول الله  
واقام الصلاة و ایتاء الزکاة وصوم رمضان وحج البيت من استطاع الیہ  
سبیلا = اسلام بش اساس اوزرینہ بنا قیلندی : اللہدن باشقہ معبود  
حقیقی اولیوب جناب محمد اونک حق رسولی اولدینغہ شہادت ، نماز  
قیلدی ، زکات یرمک ، رمضان شریفہ اوروج طوتمق ، مقتدر  
اولان کیمسہ ایچون ہجہ کیتمکدر . » حدیث شریفہ بونی بیان ایتمشدر .  
شمعدی بہ قدر مسلمانلر جہ جاری اولہ کلدیکنہ کورہ زکات  
ویرہ جک اولانلر اکثریتلہ رمضان شریفہ ویریورلر . شہہ یوق کہ  
رمضان شریف تقرب ایتدیکی جہتلہ بوفرض الہی ینہ ایفا ایدیلہ جکدر  
وایدیلہ لیدر . چونکہ دینم بوبولہ امر ایدیور . فقط بونی دہا  
زیادہ کیملرہ ویرمک لازمدر ؟ وکیملرہ ویررسہک عندالہیدہ دہا  
زیادہ مأجور ومثاب اولورز ؟ . . . زکات محتاجینک احتیاجی تہوین  
ایچون مشروع قیلنمش اولغلہ اک زیادہ محتاج اولانلر کیم ایسہ اونلرہ  
ویرلمک لازمدر . بوکون اک زیادہ محتاج معارنت اولانلر ایسہ حدود  
بوسندہ دشمن دین و وطن ایلہ کوکس کوکسہ چارپیشان ، کندی وجودینی  
دشمن قورشونلرینہ قالقان ایدین شجیع وبہادر عسکرلریمک مملکتلرندہ  
ملتہ ودیمہ اولارق بر اقوب کیتدکری عائلہ لیدر .

مدافعہ دین ووطن بولندہ استحقار حیات ایدن ، اولاد وعیالی  
یتیم براقان ، دشمنک کللہ لرینہ قارشی بی پروا کوکس کرن ،  
محافظہ دین ووطن اوغورندہ ایدنمون خارقلر ایجاد ایدن بہادر  
عسکر عائلہ لرندن دہا لایق کیمسہ می اولور ؟ .

بوکون اسلامک مدافعہ سی ایچون پدربنی ، قرددش لرینی ، اقرباء  
وتعلقانلرینی جہاد میدانلرینہ کوندرن قادیسلردن ؛ تعلیم وتریبہ سہ  
باقہ حق کیمسہ سی قلامش اولان مینی مینی یاوروجقلردن زیادہ محتاج  
معاونت کیمسہ متصورمی در ؟ .

ارت . بوکون عالم اسلامدہ اک زیادہ محتاج معاونت اولانلر بالذات  
جہاد میدانلرندہ دشمن دین ووطن ایلہ فی سبیل اللہ جہاد ایدن ؛  
اسلامک قرآنی ، سنجاغنی کوکارہ قدریوکسلتمک ایچون استحقار حیات  
ایدن اسلام عسکرلریلہ اونلرک ملتہ ودیمہ اللہ اولہرق بر اقوب کیتدیکی  
افراد عائلہ سی در . بونلرہ ویریلہ جک اولان بر غروش ، باشقہ یرہ  
ویریلن بیک غرہ شدن دہا افضل ، عندالہی دہ دہا مقبولدر .